

## عیسی مسیح و نیقودیموس

عیدِ پِصَح، یعنی یادبودِ آزادی بنی اسرائیل از مصر، نزدیک شد. ازو خاطرِ عیسی مسیح قد یارای خُو از منطقهِ جلیلیه حرکت کده دَ شارِ اورشَلیم رفت. وختیکه مردمِ مُعجزه‌های شی ره دید، زیاد آدما باور کد که حضرت عیسی امو انتِخاب شدهِ خُدا استه که قومِ یهودِ چیم دَ راهِ شی بود. لیکن حضرت عیسی خُودشی دزوا اِعتبار نکد، ازی که دِل و فِکرِ تمام ازوا ره خُوب موفامید.

دَ اورشَلیم یگ نفر دَ نامِ نیقودیموس زندگی موکد که از فِرقهِ مذهبِ فَرِیسی و یگی از اَعْضای شورای یهودی بود. فَرِیسیا از تمام فِرقه‌های یهودی کده دَقِیقتر دَ قانُونِ مذهبی عَمَل موکد.

یگ شو ای آدم پیشِ حضرت عیسی آمده گفت: ”اُستاد، مو موفامی که تُو یگ راهنما از طرفِ خُدا استی و مُعجزه‌های تُو

ای ره ثابتِ مونه. تاکه یاری خُدا نَبَشه هیت کس قدرت  
ازی مُعجزه ها ره نَدَره.

عیسی مسیح دَ جواب شی گُفت: ”کسیکه سر از نو تولد  
نشده بَشه دَ پادشاهی خُدا شامل شده نَمیتنه.

نیقودیموس باز پُرسان کد: ”ای چی رَقَم مُمکنه که آدم  
پیر دُوباره دَ کوره آبه خورفته پس دَ دُنیا بیه؟”

عیسی مسیح گُفت: ”وختیکه یگ نِلغه از آبه خُو تولد  
مُوشه او اولنه تولد شی استه. مگم فقط روح اَلقُدُوس  
میتنه که یگ زندگی تازه بلده شی از طرفِ خُدا بیره  
که اَمُو مِثلِ یگ تولدِ دوّم استه. مثلاً، آوازِ باد ره  
میشنوی مگم نَمُوفامی که از کُجا پیدا شده و دَ کُجا موره؛  
اَمی رقم اَم نَمُوفامی که چطور یگ آدم از نِگاهِ روحانی  
دوباره تولد مُوشه.

نِيقُودِيْمُوسُ پُرْسَانِ كَد: "اِي چِطُورِ مُمَكِنِ اسْتِه؟"

حضرت عيسیٰ اُو ره گُفت: "تُو كه يگِ راهنُمایِ بَنیِ اِسْرَائِيلِ اسْتی، چِطُورِ اِي ره نَمُوفامی؟ اَمُو رَقْمِيكِه مُوسَى پَيغَمْبَرِ مَارِ بَرِنجِي ره دَ بِيابو شَخِ چِيو بالِ كد و هر آدمِ مَارِ گَزِيده كه سُنِ اَزُو مَارِ بَرِنجِي تُوخِ مُوكَدِ جُورِ مُوشُد، اَمُو رَقْمِ اِبْنِ اَدَمِ اَمِ بَايدِ بالِ شُنِه و هر كَسِي كه دَزُو اِيْمَانِ بَيِرِه صَاحِبِ زَنْدَگِي اَبَدِي مُوشِه."

خُدا مَرْدُمِ دُنْيَا ره اِي قَسِ دُوسْتِ دَشْتِ كه يگانه بچِه رُوحَانِي خُو ره رِيِي كَد، تا هر كَسِي كه دَزْشِي اِيْمَانِ بَيِرِه تَبَاهِ و بَرَبَادِ نَشُنِه، بَلَكِه صَاحِبِ زَنْدَگِي اَبَدِي شُنِه. خُدا اُو ره دَ دُنْيَا رِيِي نَكْدِه كه مَرْدُمِ ره جَزَا بَدِيِه، بَلَكِه مَرْدُمِ دُنْيَا ره اَزِ دُوزَخِ نِجَاتِ بَدِيِه.

كَسِي كه دَزُو اِيْمَانِ بَيِرِه، يِعْنِي اُو ره مِثْلِ يگانه نِجَاتِ دِهِنْدِه قَبُولِ كَنِه، اُو ره خُدا جَزَا نَمِيدِيِه. مِگَم كَسِي كه

دزُو ایمان نیره، اُو آمزیالی محکوم استه، ازی که دَ یگانه  
فرزندِ روحانی خُدا ایمان نه اُورده.

عیسی مسیح بسم گُفت: ”ما نُورِ جهان استم. ازی که مردم  
نمیخایه کردارای بد و شیطانی شی تَوَسُطِ نُورِ معلومدار  
شُنه، اونا تریکی ره خوش دَره و از مه پیروی نمُکنه.  
آدمای که حقیقت ره قبول مُونه اونا سُون طرفِ نُورِ میه  
تا که هرکس بِنِگره که اونا اطاعتِ خُدا ره مُکنه.“